

JU SREDNJA MAŠINSKA TEHNIČKA ŠKOLA SARAJEVO
ul. ZMAJA OD BOSNE 8
71000 SARAJEVO

**PRAVILNIK
O IZMJENAMA I DOPUNAMA PRAVILNIKA O RADU
JAVNE USTANOVE SREDNJE MAŠINSKE TEHNIČKE ŠKOLE
SARAJEVO**

Sarajevo, april 2022. godina

Na osnovu člana 118. Zakona o radu ("Službene novine FBiH", broj: 26/16, 89/18 i 23/20), Pedagoških standarda i normativa za srednje obrazovanje u Kantonu Sarajevo („Službene novine Kantona Sarajevo broj: 23/2004., 27/2008, 45/2020 i 7/2021), člana 24. Pravilnika sa kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo" broj: 9/22), člana 28. Pravilnika sa kriterijima za prijem radnika u radni odnos u srednjim školama kao javnim ustanovama na području Kantona Sarajevo ("Službene novine Kantona Sarajevo" broj: 12/22), člana 158. Pravila JU Srednja mašinska tehnička škola Sarajevo, a nakon konsultacije sa Sindikalnom organizacijom Škole, Školski odbor JU Srednja mašinska tehnička škola Sarajevo na sjednici održanoj dana 06.04.2022. godine, d o n i o je:

**PRAVILNIK
O IZMJENAMA I DOPUNAMA PRAVILNIKA O RADU
JAVNE USTANOVE SREDNJA MAŠINSKA TEHNIČKA ŠKOLA SARAJEVO**

II - RADNI ODNOS

Član 1.

(Način definiranja radnog angažmana)

(1) Član 6. stav (3) mijenja se i glasi:

" (3) Ukoliko se popunjavanje upražnjenog radnog mjesta ne može realizovati u skladu sa stavom (2) ovog člana, škola obavezno raspisuje konkurs za popunu upražnjenih radnih mjesta, na način da se u dnevnim novinama objavi obavještenje o raspisanom javnom konkursu, dok se tekst konkursa objavljuje na internet stranici Škole, te se isti istovremeno dostavlja putem službenog mail-a Ministarstvu za odgoj i obrazovanje KS i Javnoj ustanovi "Služba za zapošljavanje Kantona Sarajevo" radi objave na njihovim službenim internet stranicama, uz obaveznu naznaku datuma isteka roka za prijavu na javni konkurs, a koji se provodi u skladu sa relevantnim propisima kojima se regulira upošljavanje."

(2) U članu 6. stav (10), (11) i (12) mijenjaju se u stav (7), (8) i (9).

(3) U članu 6. dosadašnji stav (10) mijenja se i glasi:

" (10) Školski odbor je obavezan donijeti odluku o žalbi u roku od 8 (osam) dana od prijema iste i istu dostaviti podnosiocu žalbe."

Član 2.

(Ugovor o radu)

(1) Član 8. stav (4) mijenja se i glasi:

" (4) Pravo na zbrinjavanje u odnosu na ugovor o radu imaju:

a) radnici za čijim radom je potpuno ili djelimično prestala potreba u ustanovi ukoliko su u radnom odnosu na neodređeno vrijeme sa punom/nepunom nastavnom normom, odnosno punim/nepunim radnim vremenom i imaju položen stručni ispit i

b) direktor, pomoćnik direktora i voditelj dijela nastavnog procesa kojima, u skladu sa Zakonom, ne miruju prava i obaveze iz radnog odnosa, a koje podrazumijeva prethodno radno mjesto u nekoj od javnih ustanova na području Kantona Sarajevo."

Član 3.

(Pripravnici – lica koja nemaju završen nastavnički fakultet)

(1) U članu 21. stav (8), (9), (10), (11), (12), (13) i (14), mijenjaju se u stav (2), (3), (4), (5), (6), (7) i (8).

VIII – PLAĆE I NAKNADE RADNIKA

Član 4.
(Mirovanje napredovanja radnika)

(1) U članu 89. stav (3) i (4) mijenjaju se u stav (1) i (2).

XII – ZBRINJAVANJE VIŠKA RADNIKA

Član 5.
(Kriterij za iskazivanje prestanka potrebe za radnikom)

(1) Član 147. stav (1) mijenja se i glasi:

"Kriteriji na osnovu kojih se iskazuje prestanak potrebe za radom radnika, kao i redosljed i bodovanje na listi radnika za čijim radom je prestala potreba, su sljedeći:

- a) stručna sprema,
- b) stručni ispit (položen za rad u ustanovi),
- c) dodatno usavršavanje,
- d) ocjena komisije za ocjenjivanje rada u posljednje dvije godine,
- e) radni staž,
- f) učešće u odbrani od agresije na Bosnu i Hercegovinu,
- g) socijalne prilike,
- h) zdravstveno stanje,
- i) stručna zvanja."

Član 6.
(Kriterij za bodovanje)

(1) Član 148. stav (1) tačka f) pod rednim brojem 3. mijenja se i glasi:

"

f)	Učešće u odbrani od agresije na BiH:	
	3. radna obaveza (za svaki mjesec)	2 boda

te se u istom stavu pod tačkom i) dodaje redni broj 3. i glasi:

i)	Stručna zvanja:	
	3. mentor, stručni saradnik, konsultant, mlađi referent	10 bodova

"

XIV – UNUTRAŠNJA ORGANIZACIJA ŠKOLE I SISTEMATIZACIJA POSLOVA

Član 7.
(Elementi sistematizacije)

(1) U članu 159. stav (2) briše se sljedeće: "Samostalni referent za plan i analizu – certificirani računovođa".

Član 8.
(Potreban broj izvršilaca)

(1) U članu 160. stav (3) mijenja se u stav (1).

Član 9.
(Uslovi za radna mjesta)

(1) Dosadašnji član 180. postaje član 181.

(2) U prethodno navedenom članu, u dijelu *Poslove utvrđenih radnih mjesta mogu obavljati*, mijenjaju se uslovi za sljedeća radna mjesta i glase:

" 10. Radno mjesto. Sekretar

Uslovi: Diplomirani pravnik, VII stepen, VSS ili završen prvi ciklus bolonjskog visoko-obrazovnog procesa sa stečenim zvanjem Bakalaureat/Bachelor prava koji je vrednovan sa 240 ECTS bodova, završen drugi ciklus bolonjskog visoko-obrazovnog procesa sa stečenim zvanjem Magistar prava koji je vrednovan sa 300 ECTS bodova ili završen treći ciklus bolonjskog visokoobrazovnog procesa sa stečenim zvanjem Doktor pravnih nauka/znanosti. Broj izvršilaca: 1

11. Radno mjesto: Samostalni referent za plan i analizu mijenja se u Saradnik za finansijske i računovodstvene poslove

Uslovi: Diplomirani ekonomist. Broj izvršilaca: 1

12. Radno mjesto: Administrativni radnik za računovodstvene poslove i učenička pitanja mijenja se u Administrativni radnik

Uslovi: administrativni tehničar ili odgovarajuće usmjerenje iz neke druge škole. Broj izvršilaca: 1"

XV – UVJETI ZA RAD SINDIKATA I ZAŠTITA SINDIKALNOG POVJERENIKA

Član 10.

Dosadašnji članovi 181. do 188., postaju članovi 182. do 189.

XVI – ŠTRAJK

Član 11.

Dosadašnji članovi 189. do 191., postaju članovi 190. do 192.

XVII – PRELAZNE I ZAVRŠNE ODREDBE

Član 12.

Dosadašnji članovi 192. do 195., postaju članovi 193. do 196.

Član 13.

(Stupanje na snagu)

(1) Pravilnik o izmjenama i dopunama Pravilnika o radu (broj: 01-1-866/21 od 22.06.2021. godine) stupa na snagu osmog dana od dana objavljivanja na oglasnoj ploči Škole.

(2) O danu objavljivanja Pravilnika o izmjenama i dopunama Pravilnika o radu JU Srednja mašinska tehnička škola Sarajevo sačinjava se službena zabilješka koju ovjerava poslodavac.

Broj: 01-1-562/22

Datum: 06.04.2022. godine

Predsjednik Školskog odbora

Mirsad Čekić, dipl.ing.elektrotehnike

Službena zabilješka:

Pravilnik o izmjenama i dopunama Pravilnika o radu JU Srednja mašinska tehnička škola Sarajevo je objavljen na oglasnoj ploči Škole dana 07.04.2022. godine i stupio je na snagu 15.04.2022. godine.

Direktor

Čupović Faruk, dipl.maš.ing.

Obrazloženje:

U skladu sa Pedagoškim standardima i normativima za srednje obrazovanje u Kantonu Sarajevo ("Službene novine Kantona Sarajevo" broj: 23/04, 27/08, 45/20 i 7/21), Pravilnikom sa kriterijima za prijem radnika u radni odnos u srednjim školama kao javnim ustanovama na području Kantona Sarajevo ("Službene novine Kantona Sarajevo" broj: 12/22) i Pravilnikom sa kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo" broj: 9/22) izvršene su izmjene i dopune Pravilnika o radu JU Srednja mašinska tehnička škola Sarajevo (broj: 01-1-866/21 od 22.06.2021. godine).